



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 15. Mors S. Emmeliæ, S. Cæsarii, & S. Gorgoniæ.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

§. XV.

Sæculum IV.
A. C. 370*Mors S. Emmelice. S. Cæsarii.
Et S. Gorgoniae.*

Episcopis defunctis Successores electi Greg. Nyss. vita S. Macr. p. 186. v. Pagi. an. 379. n. 8.
 fuerant; interim S. Basilus S. Eusebio Samosateno obitum Matris suæ S. Emmelice per litteras nuntiavit; mortua est annis plena in Monasterio, quo cum filia sua S. Macrina secesserat. Tunc non plures, quam duos liberos apud se habebat, S. Macrinam ex omnibus primogenitam, & S. Petrum, postea Episcopum Sebastenum, liberorum suorum decimum, & ultimum; cum juxta lectum ex utroque latere starent, utramque prolem altera manuprehendens, dixit: *Domine! offero tibi secundum legem tuam liberorum primicias, & decimas.* Greg. ibid. p. 201. Mart. Rom. Sepulta est penes Maritum suum in Ecclesia quadraginta Martyrum septem, vel octo stadia, id est, quartam leucæ partem a Monasterio distante. Ecclesia trigesima Maji ejus colit memoriam. Matris mortem S. Basilus majori luctu profecutum fuisse, quam tanti viri ætatem, & sanctitatem deceret, non nulli arbitrati sunt. Tunc a morbo convalescebat, quo ferme ad extrema deductus fuerat, atque summæ hiemis rigor discrimen auxerat. Status etiam in quo Dei Ecclesiam confi-

Sæculum IV. Cæsari noverat, nihil solatii, sed graviorent
A. C. 370. luctum ægrotanti creaverat.

Greg. or. 10.
p. 168.

Circa idem tempus S. Gregorius Nazianzenus fratre suo Cæsario, & Gorgonia Sorore orbatus est, quos Ecclesia Sanctis accenset. Cæsarium, honorifice aulam Joviani revocatum, Valens Imperator Quæstorem, seu ærarii in Bithynia, ubi habitabat, Præfectum constituerat: hoc fratris honore non modo non delectabatur S. Gregorius, sed negotiis secularibus implicatum dolebat, quibus ut expediret, fraterne hortabatur; bonum consilium sequi cunctantem superveniens casus impulit, nempe terribilis terræ motus,

Id. Carm.
p. 34.

quo reliqua exstantia urbis Nicæe undecima Octobris anno 368. subversa sunt. Cæsarius ferme solus inter viros omnes urbis præcipuos salvatus est, verum tamen bonorum suorum partem perdidit, & ipse ruinis ita involutus est, ut res prodigio simillima fuerit, quod leviter tantum vulneratus, evaserit. Tunc ergo totum se Deo dedere statuit, at modico post tempore humanis excessit, cum paulo ante Baptismo fuisset ablutus; nec

Or. 10. p. 173

uxorem habens, nec liberos, bona sua reliquit pauperibus. Fratri S. Gregorius oratione funebri coram Patre, & Matre parentavit. Ecclesia Græca memoriam Cæsarii nona Martii, & Latina 25. Februarii celebrat. Soror eorum

S. Gor-

S. Gorgonia non diu supervixit, in cuius ^{Sæculum IV.} etiam funere S. Gregorius peroravit, at- ^{A. C. 370.}
 que defunctæ laudes congrue celebrans, ^{181.}
 perfectum virtutis Christianæ exemplum ^{Or. II. p. 181}
 omnibus nuptis exhibuit; tantum Gor- ^{182.}
 goniæ erat collectionis, & modestiæ stu-
 dium, ut vel subrisisse crimen putaret;
 oculos, auditum, sensus omnes custodie-
 bat. Muliebrem cultum, cuius fœminæ
 studiosissimæ sunt, negligebat, sed cura-
 bat decorem Ecclesiarum. Quamvis ma-
 gna esset ingenii capacitate, prudentia
 tanta, ut omnes suæ Provinciæ consilio
 adjuvaret, atque de SS. Mysteriis Reli-
 gionis partim ex librorum sacrorum le-
 ctione, partim propriis meditationibus
 profundam scientiam acquisivisset, silen-
 tium tamen amabat, & summa industria
 opera sua bona occultabat, magis cupiens
 sancta esse, quam videri. Domus ejus
 omnibus virtutem amantibus patebat.
 Reverenti in Sacerdotes erat animo, af-
 flictis compatiebatur, pauperibus, præ-
 sertim viduis, largissime necessaria ero-
 gabat. Fervide, attente, & frequenti
 genuflexione orabat, tota lacrymis per-
 fusa; orationi jejunia, & vigiliis junge-
 bat, quibus omnibus jugis Psalmodia ad-
 denda; Non ante tamen quam versus
 vitæ finem baptizata est, sed antequam
 moreretur, summo solatio fuit, quod ma-
 ritum, filios, nepotesque eadem gratia a
 R 5 Deo

p. 185.

Sæculum IV. Deo donari vidisset. Tanta fuit in Deum fiducia, ut, cum aliquando periculose accidisset, ne modestia læderetur, ope medicinæ uti recusaverit, factumque, ut sine humano auxilio, & non sine prodigio sanaretur. Alio tempore gravi morbo afflicta, medicis de ejus salute desperantibus, caput altari imposuit, cœpitque orare cum clamore, & copiosis lacrymis ex quibus, iis admixtis, quæ de Antipris pretiosi corporis, aut sanguinis, id est Sacræ Evcharistiæ, reservare potuerat, unctionem sibi composuit, & ecce! illico incolumis in domum suam rediit. Hic autem antequam baptizata fuerit, contingere non potuit, cum nunquam in Fidelibus baptizatis Evcharistiam præbere mos fuerit. (*) Talis fuit vita S. Gregorionæ, cujus memoriam Ecclesia nostra Dec. colit.

§. XVI.

Monachi Nazianzeni cum Episcopo reconciliantur.

Tunc temporis S. Gregorius Nazianzenus cum Patre erat, senectutis episcopi fulcrum, atque, cum esset Presbyter, pa-

(*) Hic iterum Protestans noster decessus, in quibus de Sacra Evcharistia bis meminit, recurrit, pagina sua 265. omisit. Duos alios errores fileo.